

LAMBAIAN KASIH, SANJUNGAN BUDI

Majlis Persaraan Lima Orang Pegawai Jabatan Pendidikan Wilayah Persekutuan Labuan



Labuan, 2 Julai 2020 : “Perkhidmatanmu disanjung, pemergianmu dirasai”, begitulah ungkapan terbaik bagi lima orang pegawai Jabatan Pendidikan Wilayah Persekutuan Labuan (JPWPL) yang akan bersara wajib dan pilihan pada tahun 2020 setelah menabur bakti sekian lamanya di Jabatan ini.

Majlis Persaraan Lambaian Kasih, Sanjungan Budi kepada Tuan Haji Yunus bin Yussof, Puan Rainah bt Rauf, Puan Suhana bt Sablee, Encik Aminuddin bin Abdul Malek dan Tuan Haji Jaafar bin Abu Bakar telah diadakan di salah sebuah hotel di Labuan, semalam.

Dalam suasana norma baharu, Majlis anjuran Kelab Pendidikan JPWPL ini telah berlangsung harmoni dan penuh makna dengan kehadiran warga Jabatan Pendidikan Wilayah


Persekutuan Labuan.

Pemangku Pengarah Jabatan Pendidikan Wilayah Persekutuan Labuan, Encik Yusup bin Mohamad dalam ucapannya, mewakili seluruh warga Jabatan menzahirkan ungkapan terima kasih yang tidak terhingga kepada pegawai-pegawai bersara yang diraikan, atas perkhidmatan cemerlang sepanjang berkhidmat di jabatan ini.

Turut menceriaikan majlis tersebut, dengan kehadiran Pengarah Bahagian Pendidikan Khas, Kementerian Pendidikan Malaysia, Datuk Dr. Yasmin bt Hussain, Timbalan-timbalan pengarah dan Ketua-ketua Penolong Pengarah, Jabatan Pendidikan Wilayah Persekutuan Labuan.



■
Ucapan Yang Bersara, Tuan Haji Yunus



Encik Mohd Aminuddin

Tuan Haji Yunus bin Yussof telah menabur bakti dalam dunia pendidikan selama 38 tahun. Beliau memulakan kerjaya sebagai seorang pendidik dengan menjadi guru pada 4 Januari 1982 di SRK Pamol, Beluran Sabah.

Anak jati Labuan ini, telah menabur bakti di tanah kelahiran sendiri bermula 5 Jun 1987 sebagai guru di SK Patau-Patau.

Tuan Haji Yunus pernah dilantik sebagai Guru Penolong Kanan di SK Patau-Patau pada tahun 2001, pemangku Guru Besar dan Penolong Kanan Pentadbiran pada tahun tahun 2007-2008 di SK Pekan Satu, Labuan.

Kerjaya beliau diteruskan di Jabatan Pendidikan WP Labuan

iaitu di Sektor Pengurusan Sekolah bermula 31 Disember 2008 dan pernah menjawat Ketua Unit Perhubungan dan Rendah.

Tuan Haji Yunus, merupakan pegawai yang banyak berjasa kepada jabatan dalam bidang perhubungan, unit rendah dan biro aduan.

Beliau bersara pilihan pada 1 Julai 2020.



Tuan Haji Yunus Yussof, pegawai yang banyak berjasa kepada jabatan dalam bidang perhubungan, unit rendah dan biro aduan, menerima cenderahati daripada Datuk Dr Yasmin Hussain

Puan Rainah Rauf juga merupakan anak jati Labuan mengambil keputusan untuk bersara pilihan setelah berkhidmat selama 31 tahun dalam perkhidmatan awam.

Puan Rainah, mula berkhidmat pada 1 April 1989 di Jabatan Pendidikan Sabah sebagai Pembantu Kerani, seterusnya dilantik sebagai Pegawai Kerani Pendidikan di Jabatan sama pada tahun 1991.

Merupakan pegawai yang banyak berjasa kepada jabatan dalam bidang perkhidmatan perjawatan, naik pangkat dan

tatatertib.

Beliau menabur bakti selama 25 tahun di Jabatan Pendidikan Wilayah Persekutuan Labuan bermula 16 November 1995 dan pernah menjadi Ketua Unit Perjawatan dan Naik Pangkat.

Puan Rainah Rauf bersara pilihan pada 1 Julai 2020.



Puan Rainah Rauf (kiri), pegawai yang banyak berjasa jabatan dalam bidang perkhidmatan perjawatan dan naik pangkat bersama Datuk Dr. Yasmin, Encik Yusup dan Puan Maimoon

Puan Suhana Sablee telah dilantik sebagai pembantu tadbir pada 1 April 1989 di SM Sains Labuan sehingga tahun 1997.

Beliau juga pernah berkhidmat di SMK Lajau (1997-2002) dan SK Bebuloh pada tahun 2002 sehingga 2006.

Puan Suhana banyak menyumbang bakti kepada jabatan dalam bidang pengurusan dan perkhidmatan.

Bermula tahun 2006, Puan Suhana berkhidmat di Jabatan Pendidikan Wilayah Persekutuan Labuan dan berkhidmat

selama 14 tahun sehingga beliau bersara wajib pada 2 Julai 2020.



Puan Suhana Sablee (kiri), PKP yang banyak berjasa kepada jabatan dalam bidang pengurusan dan perkhidmatan menerima cenderahati daripada Datuk Dr Yasmin.

Encik Mohd Aminuddin bin Abdul Malek yang berasal dari negeri Perak telah berhijrah ke Sabah di usia awal 20-an. Minat dalam bidang pendidikan mendorongnya untuk menabur bakti sebagai guru pada 27 April 1982 di SMK Kota Marudu, Sabah.

Setelah 15 tahun bergelumang dalam dunia pendidikan di negeri bawah bayu, beliau telah berhijrah ke Pulau Labuan pada tahun 1996 menyambung bakti mendidik anak-anak murid di SMK Membedai dan seterusnya di SM ST Anne pada tahun 1997.

Pada tahun 2001, beliau dinaikkan pangkat sebagai Penolong Kanan Kokurikulum di SK Lubok Temiang, seterusnya menjadi Penolong Kanan Pentadbiran di SK St Anne pada tahun 2005.

Kerjaya beliau diteruskan lagi di Jabatan Pendidikan Wilayah Persekutuan Labuan bermula 16 April 2008. Beliau

juga pernah memegang jawatan sebagai Ketua Unit Pasukan Badan Beruniform bermula tahun 2014.

Beliau banyak berjasa kepada jabatan dalam bidang sukan, ko-kurikulum dan pasukan badan beruniform. Setelah 38 tahun berkhidmat dalam pendidikan. Encik Mohd Aminuddin akan bersara wajib pada bulan Ogos 2020.



Encik Mohd Aminuddin Abdul Malek, pegawai yang banyak berjasa kepada jabatan dalam bidang sukan, ko-kurikulum dan pasukan badan beruniform menerima cenderahati daripada Datuk Dr Yasmin Hussain

Tuan Haji Jaafar bin Abu Bakar pula memulakan kerjaya sebagai seorang guru pada 5 Januari 1981 di SRK Limau-Limauan, Kudat.

Seterusnya beliau telah menabur bakti di SK Talontang, Kota Marudu pada 16 Ogos 1982.

Pada tahun 1984 berhijrah ke Pitas dengan meneruskan kerjaya

sebagai guru di SK Pagoh Pitas dan SK Pekan Pitas tahun 1986.

Beliau memulakan langkah dan menyumbang bakti mendidik anak bangsa di Pulau Labuan pada 5 Januari 1987 di SK Kerupang.

Tuan Haji Jaafar merupakan pegawai yang banyak berjasa kepada jabatan dalam bidang Pengurusan Hal Ehwal Murid (HEM).

Beliau akan bersara wajib pada bulan September 2020. Tuan Haji Jaafar tidak dapat bersama pada majlis tersebut kerana tidak berada di Labuan.



Tuan Haji Abdul Rahman mewakili Tuan Haji Jaafar yang tidak dapat hadir, menerima cenderahati daripada Datuk Dr Yasmin Hussain




Gambar Kenangan : Tuan Haji Jaafar (berbaju putih) bersama Encik Mohamad ketika melaksanakan tugas. Seluruh warga Jabatan mengucapkan **SELAMAT BERSARA** kepada YB (Yang Bersara) Tuan Haji Yunus Yussof, Puan Rainah Rauf, Puan Suhana Sablee, Encik Mohd Aminuddin Abdul Malek dan Tuan Haji Jaafar. Jasa Tuan Puan sentiasa dikenang, **“Perkhidmatanmu disanjung, pemergianmu dirasai”**.

Sekalung tahniah dan penghargaan kepada seluruh Ahli Jawatankuasa Kerja yang bertungkus lumus menjayakan majlis yang penuh bermakna ini.



Encik Yusup Mohamad menyampaikan cenderahati kepada Datuk Dr Yasmin di atas lawatan kerja Rasmi ke sekolah-sekolah Program Pendidikan Khas Integrasi (PPKI) di Labuan
Foto oleh : Encik Mohd Firlil Firzuan Lee, SSTP

Kursus Pembugaran Pentaksiran Bilik Darjah (PBD) Semasa Pasca PKP




Labuan, 25 Jun – Kursus Pembangunan Profesionalisme Berterusan Guru-Guru Pendidikan Islam Dalam Memantapkan Kemahiran Pentaksiran Bilik Darjah (PBD) telah diadakan secara dalam talian dengan disertai seramai 208 peserta dengan jayanya.

Kursus ini diadakan untuk meningkatkan kompetensi warga pendidik khususnya Guru Pendidikan Islam dan Bahasa Arab dalam mengaplikasikan Pengajaran dan pembelajaran (PdP) secara maya dan membugarkan kemahiran Pentaksiran Bilik Darjah.

Peserta

kursus terdiri daripada Guru Besar, pegawai-pegawai SISC+, pegawai di Jabatan Pendidikan Wilayah Persekutuan Labuan (JPWPL), Guru Pendidikan Islam dan Bahasa Arab serta guru-guru di wilayah ini.

Kursus telah disampaikan oleh penceramah jemputan iaitu Pegawai SISC+ Pembimbing Pakar Peningkatan Sekolah PPD Melaka Tengah, Puan Hjh Rohaizan Othman.



Peserta kursus yang hadir secara dalam talian.

CADANGAN AKTIVITI : PAK21

- Rally Robin
- Talking Chips
- Gallery Walk
- Round Table
- Inside Outside Circle
- I see, I think, I wonder
- Table Talkers
- Bus Station
- Think, Pair, Share
- Hot Seat
- One Stay, Three Stray
- Role Play


Peneraja Pendidikan Negara

Penerangan tentang cadangan aktiviti Pembelajaran Abad ke-21 (PAK21)

Menurut Puan HjH Rohaizan, Pentaksiran Bilik Darjah (PBD) bertujuan menambah baik pembelajaran murid melalui pentaksiran formatif iaitu mentaksir perkembangan untuk pembelajaran secara berterusan dalam pengajaran dan pembelajaran serta pentaksiran sumatif yang mentaksir perkembangan tentang pembelajaran pada akhir sesuatu tempoh, tajuk atau bidang pembelajaran.

"PBD akan memberi tumpuan kepada perkembangan pelajaran murid atau berorientasikan pembelajaran, bukan lagi berorientasikan peperiksaan. Ia berfokus kepada perkembangan dan kemenjadian murid secara holistik.

Pelaporan PBD dilakukan sebanyak dua kali iaitu di pertengahan tahun dan di akhir tahun". Katanya semasa kursus tersebut.




Puan Hjh Rohaizan sedang berkongsi ilmu dan bersedia menjawab persoalan daripada peserta kursus. Sementara itu, Ketua Penolong Pengarah Sektor Pendidikan Islam, Puan Kamariah Salim merakamkan ucapan terima kasih di atas kesudian penceramah berkongsi ilmu dengan warga pendidik di W.P.Labuan biarpun secara maya. Guru-guru turut berpeluang untuk bertanya soalan dan merungkai segala permasalahan berkaitan PBD .

"Tahniah diucapkan kepada guru-guru yang telah mengambil pelbagai inisiatif dalam memastikan penyampaian pengajaran dan pembelajaran (PdP) kepada anak didik mereka terus berjalan walaupun dalam keadaan sukar semasa pelaksanaan Perintah

Kawalan Pergerakan (PKP) .

“Dalam konteks normal baharu iaitu pembelajaran semasa PKP, PBD masih dijalankan secara dalam talian melalui kaedah pemerhatian, penulisan dan lisan. Guru boleh menggunakan pelbagai kaedah pentaksiran dengan menggunakan bentuk komunikasi dan aplikasi yang bersesuaian untuk mentaksir murid”. Katanya semasa majlis penutupan kursus tersebut.



Kamariah menyampaikan ucapan ringkas semasa telesidang Kursus Pembangunan Profesionalisme Berterusan Guru-Guru Pendidikan Islam Dalam Memantapkan Kemahiran Pentaksiran Bilik Darjah (PBD).

Kursus yang dianjurkan oleh Sektor Pendidikan Islam Jabatan Pendidikan Wilayah Persekutuan Labuan (JPWPL) diadakan selepas sesi pembukaan semula persekolahan setelah lebih tiga bulan bercuti disebabkan pandemik COVIC-19 yang melanda seluruh dunia.

Berita Oleh : Sektor Pendidikan Islam

 KEMENTERIAN
PENDIDIKAN
MALAYSIA
Jabatan Pendidikan Wilayah Persekutuan Labuan

Kursus Pembangunan PROFESIONALISME BERTERUSAN

Guru-Guru Pendidikan Islam Dalam Pentaksiran Bilik Darjah (PBD) Semasa Fasa PKP

 25 Jun 2020 (khamis)
2.00 Petang

- Memberi kefahaman tentang PBD secara umum
- Peranan dan tanggungjawab guru dalam melaksanakan PBD
- Panduan pelaksanaan PBD dengan lebih berkesan



PENCERAMAH :
PN. HJH ROHAIZAN BINTI OTHMAN
Pegawai SISC+
Penbimbing Pakar Peningkatan Sekolah
PPD Melaka Tengah

ANJURAN :
SEKTOR PENDIDIKAN ISLAM
JABATAN PENDIDIKAN W.P. LABUAN

Anda dijemput bersiaran di pautan:
<https://meet.google.com/tjc-ccjb-abv>

**Selamat Kembali Ke Sekolah,
1264 Murid Di Labuan**

Mulakan Persekolahan



Labuan, 24 Jun 2020 – Hari ini bermulalah kembali sesi persekolahan membabitkan 1264 orang murid tingkatan 5 dan tingkatan 6 yang mengambil peperiksaan awam di Labuan melibatkan 10 buah sekolah menengah termasuk Kolej Vokasional.

Walaupun perasaan kuarir yang dirasakan oleh murid, mereka tetap teruja dan bersemangat untuk hadir ke sekolah dengan kes COVID-19 yang semakin terkawal.

Ini dibuktikan dengan catatan kehadiran murid di Labuan pada hari pembukaan sekolah sangat memberangsangkan dengan peratus kehadiran 97.16%.

Setelah 3 bulan Perintah Kawalan Pergerakan (PKP) dan sekolah turut diarahkan tutup akibat penularan wabak COVID-19, tinjauan pembukaan sekolah-sekolah di Labuan, mendapati berjalan lancar berpandukan Prosedur Operasi Standard (SOP) yang telah ditetapkan oleh Kementerian Kesihatan Malaysia (KKM).

Antara norma baharu di sekolah yang disarankan oleh KKM ialah saringan kesihatan di pintu masuk sekolah, kerap mencuci tangan dengan sabun (*hand sanitizer*), pematuhan penjarakan sosial dan tiada aktiviti yang melibatkan perhimpunan.



Guru menunjukkan cara-cara membasuh tangan menggunakan *hand sanitizer* kepada murid

Pemeriksaan suhu bagi murid, guru dan individu yang mempunyai urusan dengan pihak sekolah juga akan dilaksanakan setiap hari. Mereka yang mencatatkan suhu badan melebihi 37.5 darjah Celcius atau bergejala tidak akan dibenarkan memasuki kawasan sekolah.

Kedudukan meja di dalam kelas disusun pada jarak 1 meter dan kapasiti maksimum sebuah kelas tidak melebihi 20 orang murid.

Waktu rehat secara berperingkat akan dikuatkuasakan buat semua murid. Makanan dan minuman di kantin akan siap dibungkus dan murid akan makan di dalam kelas masing-masing di bawah pengawasan guru.

Aktiviti di luar bilik darjah seperti sukan dan kokurikulum secara bersemuka, tidak dilaksanakan sehingga suatu tarikh dimaklumkan kelak.



Suasana di dalam kelas SMK Mutiara, penjarakan meja 1 meter dan murid makan dalam kelas di bawah pengawasan guru

Pada hari pertama pembukaan sekolah, kehadiran guru juga amat baik dengan 99.6% guru termasuk guru-guru sekolah rendah di Labuan hadir untuk memulakan tugas di sekolah masing-masing.

Warga Jabatan Pendidikan Wilayah Persekutuan Labuan yang terdiri daripada Timbalan-timbalan Pengarah, Ketua Penolong Pengarah dan Pegawai Angkat Sekolah juga turut membuat lawatan ke semua sekolah di Wilayah ini bagi melihat perkembangan dan membantu pihak sekolah dalam memulakan era norma baharu pembukaan sekolah.

Pengarah Kesihatan Negeri Wilayah Persekutuan Labuan, Dr Ismuni Bohari, Pengarah Majlis Keselamatan Negeri Labuan, Puan Nurzalizah Kartika Abdullah dan Timbalan Pengarah Sektor Perancangan Jabatan Pendidikan WP Labuan, Puan Khaziyati Osman juga turut bekesempatan turun padang ke

Sekolah Menengah Kebangsaan Labuan bagi melihat sendiri pematuhan SOP yang telah ditetapkan.



Murid SMK Lajau : Amalan murid membasuh tangan sebelum memasuki kawasan sekolah



Murid SMK Labuan mengikut laluan pergerakan yang ditetapkan menuju ke kelas masing-masing



Dr Ismuni, Pengarah Kesihatan Negeri Labuan sedang berbincang sesuatu dengan Encik Ismail, Pengetua SMK Labuan



Suasana norma baharu sekolah SM St Anne




Suasana di pintu masuk sekolah SMK Ranche-Ranche



Guru-guru SK Membedai : Kami Sentiasa Bersedia !

**Bacaan Surah Yassin dan Doa
Selamat Sempena Pembukaan
Semula Sekolah di Wilayah
Persekutuan Labuan**



Labuan, 23 Jun – Majlis Bacaan Yaasin dan Doa Selamat sempena Pembukaan Semula Sekolah diadakan secara serentak bermula jam 8.30 pagi di 26 buah sekolah menengah dan sekolah rendah di Wilayah Persekutuan Labuan (JPWPL) secara online dengan disertai lebih daripada 1,110 orang warga pendidik di seluruh Labuan.

Majlis

Bacaan Yaasin dan Doa Selamat diadakan untuk memohon perlindungan ke hadrat

Allah s.w.t agar dipermudahkan segala urusan sesi pembukaan semula sekolah pada

24 Jun 2020 ini setelah lebih tiga bulan bercuti disebabkan pandemik Covic-19

yang melanda seluruh dunia. Cuti Pertengahan Penggal Persekolahan bermula 14

Mac 2020 dan ianya bersambung dengan cuti semasa Perintah

Kawalan Pergerakan

(PKP) bermula 18 Mac 2020 sehinggalah 23 Jun 2020.

Majlis

tersebut telah diurus setiakan oleh Ketua Panitia Pendidikan Islam di semua sekolah di wilayah ini. Ianya turut dihadiri oleh Majlis Pengurusan Tertinggi (MPT), pegawai angkat sekolah, Ahli Persatuan Ibu Bapa dan Guru (PIBG), ibu bapa dan murid-murid.


Menurut

Timbalan Pengarah Sektor Pembelajaran merangkap Pemangku Pengarah, Encik Yusup bin Mohamad, majlis ini bertujuan untuk meniupkan semangat kembali ke sekolah setelah lama bercuti dan meningkatkan motivasi kepada para guru-guru agar bekerja dengan lebih bersungguh-sungguh dalam melaksanakan tugas hakiki iaitu pengajaran dan pembelajaran.

Dalam ucapannya selepas bacaan doa selamat, Encik Yusup bin Mohamad merakamkan ucapan terima kasih kepada guru yang telah mengambil pelbagai inisiatif dalam memastikan penyampaian pengajaran dan pembelajaran (PdP) kepada anak didik terus berjalan.

Kaedah '*Home Based Learning*' (HBL) dilaksanakan sepanjang Perintah Kawalan Pergerakan (PKP). Kaedah *HBL* ini akan diteruskan kepada semua murid di sekolah rendah dan murid tingkatan satu hingga tingkatan empat di sekolah menengah sehingga sesi persekolahan mereka bermula.


Ketua Penolong Pengarah Sektor Pendidikan Islam, Puan Kamariah binti Salim turut merakamkan ucapan terima kasih di atas komitmen daripada ibu bapa yang cakna terhadap pembelajaran anak-anak di rumah dengan menyediakan pelbagai kemudahan seperti akses internet dan peranti digital.



Sekitar Majlis Bacaan surah Yassin dan Doa Selamat Sekolah-sekolah di Wilayah Persekutuan Labuan secara telesidang menggunakan aplikasi google meet berjalan lancar.

"Kita memahami semangat berkobar-kobar anak-anak yang ingin kembali ke sekolah untuk belajar seperti biasa dan bertemu guru-guru serta rakan-rakan. Begitu juga kerinduan guru-guru untuk hadir ke sekolah bagi melaksanakan PdP. InshaAllah pada 24 Jun 2020 ini sesi persekolahan semula akan dibuka bagi murid-murid tingkatan 5 dan tingkatan 6 di lapan buah sekolah menengah dan sebuah Kolej Vokasional di Labuan". Katanya semasa Majlis Bacaan Yassin dan Doa Selamat Sekolah Menengah St Anthony secara maya pagi tadi.

Sekolah-sekolah di wilayah ini dalam keadaan kesiapsiagaan menerima kehadiran murid dan pembukaan semula sesi persekolahan. Pemantauan dan kunjung bantu daripada pegawai-pegawai Jabatan Pendidikan Wilayah Persekutuan Labuan (JPWPL) ke semua sekolah telah dilaksanakan. Begitu juga penataran Garis Panduan Pengurusan Sekolah Pasca PKP kepada guru-guru, PIBG turut dilakukan bagi memastikan pengurusan sekolah berjalan lancar, Pengajaran dan Pembelajaran berlaku dalam keadaan selamat dengan mematuhi Prosedur Operasi Standard (*SOP*).



Kamariah Salim menyampaikan ucapan ringkas semasa telesidang Majlis Bacaan Yassin dan Doa Selamat bersama warga Sekolah Menengah St Anthony.

**Sambutan
Peringkat**

Hari

**Guru
Wilayah**

Persekutuan Tahun 2020



Labuan, 13 Jun – Berikutan Perintah Kawalan Pergerakan Pemulihan (PKPP) yang masih berkuatkuasa sehingga 31 Ogos depan, Jabatan Pendidikan Negeri Wilayah Persekutuan Labuan (JPNWPL) telah menganjurkan Sambutan Hari Guru 2020 secara maya.

Sambutan Hari Guru Peringkat W.P Labuan dengan tema “Berguru Demi Ilmu, Bina Generasi Baharu” telah dirasmikan oleh Ketua Pegawai Eksekutif Perbadanan Labuan, Dr. Fary Akmal Osman.

Dr, Fary dalam ucapan perasmiannya berkata, guru memainkan peranan penting dalam meningkatkan kualiti bukan sahaja kepada diri sendiri tetapi juga dalam pengajaran bagi memberi impak positif terhadap kualiti anak didik.

Ini seterusnya melahirkan modal insan yang holistik dan berguna kepada masyarakat, selain mampu membina negara bangsa yang cemerlang dan gemilang.

Meskipun diadakan secara maya, namun sambutan itu tetap

memberi makna besar kepada dua pesara guru yang berjasa kepada Labuan iaitu mantan Guru Besar SK Sungai Lada, Encik Abdul Safar Awang Damit dan Mantan Pengetua SMK Pantai IBWS, Encik Sahar Misron yang masing-masing dinobatkan Tokoh Guru 2020.

Turut diumumkan Anugerah Pelajar Cemerlang SPM 2019 dalam kalangan anak guru, Ikon Guru, Guru Inovatif dan Tokoh Kepimpinan Pendidikan.

Sambutan ini mendapat tontonan 2000 orang melalui platform Youtube.

Hadir sama menjayakan sambutan secara maya itu ialah Timbalan Pengarah (Sektor Pembelajaran), JPWPL, Encik Yusup Mohammad, Timbalan-timbalan Pengarah, Ketua Penolong Pengarah, Para Pengetua, Guru Besar, Guru-Guru dan Warga Jabatan Pendidikan WP Labuan.



TOKOH GURU 2020 Mantan Guru Besar SK Sg. Lada Encik Abd. Safar Awang Damit



TOKOH GURU 2020, Encik Sahar Misron mantan Pengetua SMK Pantai IBWS.

Titipan Seikhlas Budi Seindah Kenangan Buatmu Tuan Pengarah



Selingkar kenangan bersama Tuan
Walau sedetik Cuma
Ianya amat mahal untuk dinilai
Ianya amat luas untuk diukur
Bicaramu tuan bak tinta di jiwa kami
Menguntum senyummu tuan, membunga di hati kami
Kau nyalakan kandil hakiki
Menyuluh arah haluan nan murni
Dengan tekad nan suci
Menggunung harapan cita kami
Kau tak lupa kukuhkan tiang seri pusaka
Buat sokong di kala rebah

Permaidani kasih kau hamparkan
Di sepanjang lantai usang
Kelak membunga mekar setaman

Walau sesekali walang terusik
Oleh dengkur dan dengus
Lara wargamu kausirami dengan benih-benih keimanan
Rangsangan jua dorongan kau salurkan
Teguranmu pasti membina kami
Nasihatmu pasti kami tak lupa
Jasamu pasti kami abadikan
Tinta kami ini adalah titipan kasih buat Tuan
Bukan sekadar metafora dalam kuntuman sajak
Yang berbalut kiasan wacana

Semoga Tautan Kasih kami akan kekal utuh menjadi
Selingkar Kenangan pada Tuan
Selaut kasih, selangit kasturi, seharum setanggi,
sejambak bunga terima kasih,
Titipan seikhlas budi seindah kenangan Buatmu Tuan
Pengarah.

Salam Aidilfitri Maaf Zahir dan Batin.


Tuan Raisin Saidin,
2 Nov 2015 – 5 Mei 2020

Dengan Ingatan Tulus Ikhlas,
Daripada Warga SK Pekan II.



Titipan seikhlas budi seindah kenangan Buatmu Tuan Pengarah

**Majlis Khatam Al Quran
Peringkat JPWPL
mengimarahkan Malam 29
Ramadan 1441 Hijrah**



Labuan, 21 Mei – Seramai 60 orang pegawai Jabatan Pendidikan Wilayah Persekutuan Labuan (JPWPL), guru-guru pendidikan Islam (GPI) dan guru Bahasa Arab (GBA) menghadiri majlis khatam Al-Quran sempena Program Ihya'Ramadan 2020 secara dalam talian dari rumah masing-masing malam tadi.

Majlis Khatam Al-Quran yang diurus setiakan oleh Sektor Pendidikan Islam (SPI), JPWPL bermula jam 9.30 malam. Majlis ini telah dipimpin oleh Ustaz Mohd Fadzli Bin Sheikh Abdul Rahim selaku ketua mursyid Labuan. Manakala bacaan surah bermula daripada surah Ad Dhuha hingga Al Fatehah dibaca secara bergilir-gilir oleh guru Pendidikan Islam dan Bahasa Arab.

Majlis tersebut turut dihadiri Timbalan Pengarah Sektor Perancangan, Puan Khaziyati Binti Osman, Timbalan Pengarah Sektor Pembangunan Murid, Tuan Hj Abdul Rahman Bin Ahmad, Ketua Penolong Pengarah Sektor Pendidikan Islam, Puan Kamariah Binti Salim, Ketua-ketua Penolong Pengarah, Pegawai-pegawai JPWPL, para Pengetua, Guru Besar juga Guru-Guru di sekitar wilayah ini.

Dalam ucapannya, Puan Kamariah mengucapkan tahniah kepada semua pihak yang sama-sama menyertai

kumpulan khatam Al-Quran serta menjayakan majlis ini secara normal baharu iaitu secara dalam talian.

Perintah

Kawalan Pergerakan (PKP) yang dikuatkuasakan kerajaan sejak 18 Mac lalu berikutan pandemik Covid-19, secara tidak langsung perlu diambil peluang untuk mengeratkan lagi hubungan kekeluargaan yang sebelum ini sukar dilakukan berikutan sibuk dengan tugas masing-masing.

“ PKP yang terjadi pasti ada hikmahnya. Ianya memberi peluang kepada ibu bapa untuk mewujudkan persekitaran muafakat dengan meluangkan masa bersama keluarga seperti bertadarus, solat berjemaah, bersolat terawih dan sebagainya di bulan Ramadan ini. Di samping itu, golongan guru dapat memanfaatkan teknologi untuk mendidik anak murid dalam tempoh waktu ini melalui Pengajaran dan Pemudahcaraan secara maya, dengan platform yang dominan seperti Google Classroom (GC) dan Microsoft Teams”, menurutnya lagi.

Program Ihya' Ramadan merupakan aktiviti tahunan yang dilaksanakan di peringkat jabatan dan juga sekolah bagi mengimarahkan Ramadan Al Mubarak.



Telesidang dikendalikan Ustaz Sahrum.



Ustazah Sitti Rahimah mengacarakan majlis

Pelbagai aktiviti telah disusun antaranya Infaq Ramadan yang dilaksanakan dengan kerjasama Kelab Pendidikan, Tadarus secara berkumpulan, Kuliah Tiga Minit (KULTIM) di kalangan warga pendidik dan pegawai JPWPL dan Aktiviti Gempak Ramadan yang melibatkan murid sekolah rendah dan menengah.

Aktiviti KULTIM yang julung kali diadakan merupakan cetusan idea Ustaz Mohd Syahir Bin Mohd Yusoff, Penolong Pengarah Perancangan dan Pembangunan Pendidikan Islam,

Sektor Pendidikan Islam
dan di siarkan dalam saluran youtube.

Menurut Ustaz Sahrum Bin Samlan, Penolong Pengarah Pembangunan Adab dan Nilai, Sektor Pendidikan Islam, aktiviti Gempak Ramadan yang diadakan secara dalam talian ialah Pertandingan Tahfiz Cilik Sekolah Rendah, Pertandingan Kuliah Qiyadi, Pertandingan Poster Ramadan dan Pertandingan Kuliah Tiga Minit (KULTIM) di kalangan murid-murid.

“Bakat yang terpendam dalam diri para pelajar dapat dicungkil dan dilatih secara maksima. Para pelajar dapat membiasakan diri dalam suasana yang Citra Islam berasaskan Al-Quran malah berpeluang mendapat Sijil Penyertaan di peringkat Negeri”. katanya selepas majlis Khatam Al-Quran.

Seramai 31 murid telah menyertai Gempak Ramadan pada tahun ini. Aktiviti ‘Gempak Ramadan’ ini bertujuan untuk memupuk bakat murid dalam penghayatan Al-Quran serta melahirkan murid yang boleh menghayati Ramadan dengan penuh tawaduk. Adalah diharapkan juga aktiviti ini dapat mendidik jiwa nurani murid dalam suasana pengamalan Al-Quran dalam bulan yang mulia ini.

Berita Oleh : Sektor Pendidikan Islam



Ustazah Kamariah menyampaikan ucapan ringkas semasa majlis tersebut.

**Lambaian Kasih dan
Sanjungan Budi Pengarah
Jabatan Pendidikan Wilayah
Persekutuan Labuan**



Labuan, 20 Mei 2020 – Encik Raisin Saidin, Pengarah Jabatan Pendidikan Wilayah Persekutuan Labuan (JPWPL) telah dinaikkan pangkat sebagai Timbalan Pengarah Kanan, Sektor Perancangan dan Pengoperasian, Bahagian Pengurusan Sekolah Harian, Kementerian Pendidikan Malaysia bermula 6 Mei 2020.

Majlis Lambaian Kasih dan Sanjungan Budi Pengarah Pendidikan JPWPL telah diadakan secara dalam talian sempena Perintah Kawalan Pergerakan Bersyarat (PKPB) bertempat di Bilik Mesyuarat Botanikal.

Majlis secara maya ini telah dihadiri oleh hampir 250 orang warga pendidikan WP Labuan.

Dalam ucapannya, Encik Raisin Saidin menzahirkan ucapan setinggi-tinggi penghargaan dan terima kasih kepada semua Warga Pendidikan Labuan yang sentiasa memberi kerjasama dan sokongan sepanjang tempoh beliau berkhidmat sebagai Pengarah Jabatan Pendidikan Wilayah Persekutuan Labuan.

“Saya bersyukur kerana pernah berjuang bersama tuan/puan yang sangat komited, amanah dan professional dalam memikul tanggungjawab. Semoga kecemerlangan tersebut akan terus dipertingkatkan demi Labuan

tercinta ini”.

*“Saya sentiasa mendoakan agar tuan/puan sekalian diberikan kekuatan dan petunjuk untuk memimpin sekolah masing-masing seterusnya memacu kemakmuran Labuan”.
Encik Raisin Saidin*




Sepanjang tempoh 4 tahun 7 bulan menerajui Jabatan Pendidikan WP Labuan, beliau yang sinonim dengan tagline **‘Roh Guru Sentiasa Mendarah Daging’** ini telah banyak membawa perubahan dan kejayaan.

Antaranya ialah pengemblengan sumber manusia, pengurusan kewangan, pengurusan sekolah dan akademik serta pengurusan pentadbiran yang lebih efektif.

Seluruh warga Pendidikan Wilayah Persekutuan Labuan merakamkan setinggi-tinggi ucapan tahniah dan syabas kepada Encik Raisin Saidin di atas pelantikan sebagai Timbalan Pengarah Kanan, Sektor Perancangan dan Pengoperasian, Bahagian Pengurusan Sekolah Harian, Kementerian Pendidikan Malaysia.

Semoga tuan terus maju jaya di bawah kepimpinan baharu ini demi kemenjadian murid-murid di Malaysia.




CELCOM Stay In Stay Safe 11:40



(124)

99+




Sawal Salleh (You)



ANITA SHYAMINI A/P S. A... >



raisin saidin >



DURASAD BIN EDRIS Moe >

Others in the meeting (120)



 (123)

 99+



Sawal Salleh (You)

Nuqman Hakem Yusup >

Che'gu Adam >

raisin saidin >


Others in the meeting (119)





(126)

99+



Sawal Salleh (You)



ABD RAHMAN BIN SALIM ... >



ANITA SHYAMINI A/P S. A... >



raisin saidin >

Others in the meeting (122)



(126)

99+




Sawal Salleh (You)

nadhrah fitrin natasha wa... >


raisin saidin >

Faridah Amit >

Others in the meeting (122)



CELCOM Stay In Stay Safe 11:43



(123)

99+



Sawal Salleh (You)

Nuqman Hakem Yusup



raisin saidin



RISA THE WALKER



Others in the meeting (119)





 (131)

 99+




Sawal Salleh (You)



ABD RAHMAN BIN SALIM ... >




raisin saidin >



nadhrah fitrin natasha wa... >

Others in the meeting (127)







Kalam Wahyu Semarakkan Sambutan Hari Guru Tahun 2020 Peringkat Jabatan Pendidikan Wilayah Persekutuan Labuan



Labuan, 15 Mei – Majlis Kalam Wahyu sempena Sambutan Hari Guru 2020 Peringkat Jabatan Pendidikan Wilayah Persekutuan Labuan (JPWPL) diadakan secara dalam talian dengan disertai lebih daripada 100 orang warga pendidik di pejabat dan kediaman masing-masing pagi tadi.

Majlis

Kalam Wahyu Sempena Hari Guru ini diurus setiakan oleh Sektor Pendidikan Islam

(SPI), Jabatan Pendidikan Wilayah Persekutuan Labuan bermula jam 8.00 pagi.


Majlis Bacaan surah Yassin telah diketuai oleh Ustaz Sahrum Bin Samlan manakala

bacaan doa selamat pula diketuai oleh Ustaz Mohd Syahir Bin Mohd Yusoff.

Majlis tersebut telah dihadiri oleh Timbalan Pengarah Kanan, Sektor Perancangan dan Pengoperasian, Bahagian Pengurusan Sekolah Harian (BPSH), Kementerian Pendidikan Malaysia (KPM), Encik Raisin Bin Saidin yang merupakan mantan Pengarah Pendidikan Jabatan Pendidikan Wilayah Persekutuan Labuan.

Turut hadir ialah Timbalan- timbalan Pengarah, Ketua-ketua Penolong Pengarah , pegawai-pegawai JPWPL, para

pengetua, guru besar juga guru-guru di sekitar wilayah ini.




Majlis Kalam Wahyu secara telesidang yang dikendalikan oleh Ustaz Mohd Syahir menggunakan aplikasi google meet berjalan lancar.

Dalam ucapan selepas bacaan doa selamat, Encik Raisin Saidin berkata guru yang hebat dan ingin memajukan diri dan anak-anak murid ialah guru yang bersedia menerima amanah dan tanggungjawab.

“Cabaran dan halangan sepanjang menunaikan amanah dan tanggungjawab bukanlah suatu penderaan, meyusahkan apalagi sia-sia. Hasil selepas melalui cabaran dan halangan di dalam tanggungjawab akan menjadikan kita berilmu dan meningkatkan kualiti dan jati diri sebagai guru yang murabbi” katanya di dalam telesidang dalam majlis tersebut.

Katanya lagi, Perintah Kawalan Pergerakan (PKP) yang dikuatkuasakan kerajaan sejak 18 Mac lalu berikutan pandemik Covid-19, secara tidak langsung perlu diambil peluang untuk mengeratkan lagi hubungan kekeluargaan yang sebelum ini sukar dilakukan berikutan sibuk dengan tugas

masing-masing.



Encik Raisin Saidin menyampaikan amanat kepada warga pendidik di JPWPL semasa Majlis Kalam Wahyu.

PKP adalah inisiatif untuk membantu mendidik anak-anak di rumah terutama dari aspek pembelajaran, kebersihan dan keselamatan diri.

"Segala yang terjadi pasti ada hikmahnya. Mungkin apa yang terjadi ini memberi peluang kepada ibu bapa untuk mewujudkan persekitaran muafakat bersama keluarga dengan meluangkan masa bersama seperti bertadarus, solat jemaah, solat terawih dan sebagainya di bulan Ramadan ini".

"Ia memang satu perubahan drastik, namun kita perlu berlapang dada dan menerima situasi ini kerana ia bukan sahaja membabitkan nyawa seseorang malah kita bertanggungjawab memutuskan semua rantai Covid-19 dalam semua komuniti," Encik Raisin Saidin.

Beliau turut mengucapkan Selamat Hari Guru kepada semua warga pendidik di wilayah ini.

“Berguru Demi Ilmu, Bina Generasi Baharu”, tema ini menyentuh peranan guru dalam memperkasa keilmuan dan profesionalisme bagi membina generasi baharu negara yang dapat memenuhi matlamat Falsafah Pendidikan Kebangsaan.

Dalam telesidang tersebut, turut diadakan gimik penyampaian infaq Kasih Ramadan oleh Kelab Pendidikan. Tabung Infaq Kasih Ramadan telah dilancarkan oleh Encik Raisin Saidin pada 24 April 2020 yang lalu.

Menurut Pengerusi Kelab Pendidikan, Encik Azeryn Hj Mamma, tabung infaq Kasih Ramadan merupakan idea yang dicetuskan oleh Encik Raisin Saidin untuk menyantuni rakan-rakan anggota kumpulan pelaksana (AKP) gred N19 ke bawah di samping mengeratkan lagi kemesraan di antara ahli.

Berita Oleh : Sektor Pendidikan Islam



Pengerusi Kelab Pendidikan, Encik Azeryn Hj Mamma (tengah,kiri) menyampaikan sumbangan Infaq Kasih Ramadan

kepada ahli kelab pendidikan.

Edisi 5 : Keluaran Khas Sempena Perintah Kawalan Pergerakan Selamat Hari Pekerja Tahun 2020



Assalamualaikum

Salam sejahtera

Catatan Pengarah Pendidikan WP Labuan

1 Mei 2020

Selamat Hari Pekerja kepada seluruh warga pendidikan
Jabatan Pendidikan WP Labuan di semua peringkat

pengurusan, di ibu pejabat dan sekolah.

Kita melalui satu pengalaman yang lain daripada kebiasaan dalam tempoh sepanjang Perintah Kawalan Pergerakan (PKP) berikutan penularan wabak Covid-19. Satu pengalaman yg kita tidak pernah terfikir sebelum ini.

Bekerja dari rumah, mengajar dari rumah, guru berinteraksi dengan anak-anak murid dari rumah dan mengambil kehadiran murid dari rumah bagi setiap sesi PdP.

Semua ini dilakukan secara maya. Tentu saja pelbagai halangan terpaksa ditempuhi. Tetapi ayuh guru-guru Labuan, teruskan usaha murni memikul amanah guru. Bangga dapat mengharungi pengalaman ini. Bakal diceritakan kepada generasi akan datang.

Demikian juga pegawai-pegawai di Jabatan Pendidikan WP Labuan, bermesyuarat dari rumah menggunakan teknologi terkini.

Merancang, melaksana, memantau dan membuat penambahbaikan kepada aktiviti-aktiviti berpusat kepada murid yang dilaksanakan semasa PKP. Semua ini dilaksanakan secara maya. Terima kasih atas dedikasi anda semua.

Jiwa dan roh guru hadir dalam diri saya pada saat ini. Teringat saya akan sambutan Hari Guru yang kita sambut dan rayakan setiap tahun. Tahun ini tidak akan ada sambutan seperti tahun-tahun yang berlalu. Tiadalah sorakan gempita kerana johan sekolah paling ceria kerana keseragaman pakaian Hari Guru, kehadiran paling ramai, sorakan paling ceria dan lain-lain. Ini semua adalah sejarah yg akan disebut sampai bila-bila.

Hari Guru adalah hari kita. Besar maknanya kepada kita. Tinggi nilainya, kerana guru adalah pembina peradaban dan tamadun manusia. Hari Guru lambang kesatuan hati guru-

guru.

Saya doakan semua guru WP Labuan diberikan Allah kesihatan yang baik dan meneruskan tugas dengan penuh dedikasi.

Selamat Hari Pekerja tahun 2020.

Salam mesra kepada semua guru di pelbagai peringkat.

Raisin Saidin
Pengarah Pendidikan
JPWP Labuan
1 Mei 2020

Stay at home
Kita boleh menang!!!